

**CONSEHO DI MINISTER
DI REINO A PONE
DEADLINE PA TRATA
PRESUPUESTO 2025**



WWW.SOLODIPUEBLO.COM



SOLODIPUEBLO@GMAIL.COM

RIJKSWET RAFT: UN DESBENTAHA PA ARUBA, UN LOGRO PA EVELYN WEVER-CROES



VELOCIDAD HALTO TE CAUSA: PALO DI LUZ TA CAY Ariba ALTEZZA DESPUES DI ACCIDENTE



UN BISTA DI FOR DI HALTO DI E PARADA ESCOLAR 2025



Awo cu 2 florin mas, bo por gana e **MEGA PLUS**

* Afl.

3.750.000,-

* Afl. 2.450.000,- + Afl. 1.300.000,-
extra



HUNGA AWO



Sorteo ta hunga diamars 25 di februari 7:45 pm

CUERPO POLICIAL CONTENTO CU E RESULTADO: OCHO PERSONA DETENI DURANTE LIGHTING PARADE

Diasabra anochi pa 8:00 Cuerpo Policial conhuntamente cu SMAC a duna inicio di e Lighting Parade.

E anochi aki tabata tin un total di 8 grupo, un lastlap y mas of menos 3000 participante.

Cuerpo Policial a conta cu 200 personal. Entre otro Polis Uniforma, ME, departamento di recherche, Motor Unit, K-9 , departamento di trafico,, Mobile Commando, departamento di planologie, personal administrativo y como tambe

personal di CEA.

Pa 00:38 e cabes a yega ex-DOW y pa 02:35 di diadomingo madruga e parada a yega final.

E aña aki nos a conta cu 8 detencion. Detencion tabata pa posecion di droga, arma blanco (teaser y cuchiu) y bringamento.

Aña 2024 tabata tin 18 detencion. Dus un bahada drasticamente. Cuerpo Policial ta satisfecho cu e resultado.



VELOCIDAD HALTO TE CAUSA: PALO DI LUZ TA CAY Ariba ALTEZZA DESPUES DI ACCIDENTE



Paradera - Diadomingo marduga algo pasa di 4'or y mey polis a bay altura di ex Pacifico bar restaurant, unda a sosode un accidente di auto.

Un di e autonan cu ta un Altezza tawata esun cu a ranca e palo di luz, lagando un area den vecindario sin coriente.

Mas o menos 100 meter mas leu bo tawata mira e otro vehiculo cu ta un Hyundai.

Na e sitio nos a compronde

cu e impacto lo tawata mas o menos den e bocht, unda cu e Altezza lo a hala na e banda link, dal contra e Hyundai pone spin pa despues sigui bay y dal e palo di luz kibra y cay ariba e auto.

Esaki lo a sosode ariba

un velocidad basta halto, mirando con e la kibra e palo di luz bentando tur hopi waya ariba caminda. ELMAR mester a presenta pa mira kiko tur mester a bay haci y asina reestablece e coriente bek.





RIJKSWET RAFT: UN DESBENTAHA PA ARUBA, UN LOGRO PA EVELYN WEVER-CROES

E introduccion di e Rijkswet RAFT (Rijkswet Aruba Financieel Toezicht) a causa hopi polemica na Aruba. Hopi analista ta argumenta cu e ley aki lo limita e autonomia financiero di Aruba y lo pone mas poder den man di Hulanda. Sinembargo, cu hopi esfuerso y negociacion, Evelyn Wever-Croes a logra evita cu e ley original aki a pasa, eliminando asina e desbentahanan pa nos pais. Pakico e Rijkswet RAFT tabata Desbentahoso pa Aruba?

E ley original tabata stipula cu Hulanda lo haya mas poder pa impone medida financiero riba Aruba. E implicacionnan tabata grave:

1. **Restriccion Financiero:** Aruba lo perde

control riba su propio presupuesto.

2. **Menos Flexibilidad Economico:** Inversion y gasto estatal lo wordo limita segun criterio di Hulanda.

3. **Menos Influencia Politico:** Hulanda lo haya mas voz den e desaroyo economico y structural di Aruba.

Un Logro Politico: Evelyn a Laga Hulanda Hala Aden Evelyn Wever-Croes a resisti e presion di Hulanda pa acepta e ley sin consenso y a insisti pa discuti riba dje. Door di diplomacia y presion politico, Hulanda a wordo forsa pa reconsidera su postura. Finalmente, e ley original a wordo hala aden.

Autonomia di Aruba a Keda Preserva

A pesar di e tension, e lucha pa autonomia di



Aruba no tabata envano. Hulanda no por trata nos como un colonia mas. Nos por sigui cumpli cu regla di transparencia financiero, pero sin perde nos poder di decision. E resultado final di e negociacion di RAFT ta muestra cu Aruba tin un posicion fuerte pa defende

su autonomia den Reino Hulandes.

Ta crucial pa sigui monitoria e desaroyo di e ley nobo y sigui defende e interesnan di Aruba. Nos autonomia no ta un regalo, sino un derecho!

Cu e negociacion di un

otro rijks wet, nos por ta sigur cu e elementonan dañino di e ley anterior no tey mas, y cu awor mester yega na un consenso real cu Aruba, unda por logra tur transparencia y control necesario, pero sin afecta e "toma di decision" di nos gobierno.

DAMA CHAUFFEUR NO A REGULA SU VELOCIDAD NI MANTENE DISTANCIA A BAY DAL TRAS DI OTRO AUTO NA PIEDRA PLAT




Diabierna mainta a drenta informe di un accidente na e crusada pariba di Bright Bakery na Piedra Plat unda un auto biniendo di nort no a regula su velocidad ni a mantene distancia a bay dal tras di e auto su dilanti.

Afortunadamente ningun hende a resulta herida.

ENCUESTA STATUS BANCARIO Y COMPORTACION DI PAGO

YENA E ENCUESTA
DOOR DI SCAN E QR CODE




CENTRALE BANK VAN ARUBA


BURACO DILANTI MARRIOTT TA SIGUI CAUSA DAÑO NA WIELNAN DI AUTO



Diadomingo madruga a bolbe drenta informe di un otro wiel cu taira cu daño pa via di un buraco grandi cu ainda no a ser drecha, ta casi tur dia chauffeurnan ta haya nan cu problema door di e buraco aki cual ya caba a haci hopi daño. D.O.W. drecha cos pa caba!



UN PERSONA DETENI Y OTRO A BAY HOSPITAL HERIDA DESPUES DI UN CASO DI MALTRATO NA LAURENS COSTERSTRAAT



Diasabra atardi a drenta informe di un caso di maltrato cu hende herida na Laurens Costerstraat, mesora a dirigi tanto polis como ambulans na e sitio.

Na yegada di e patruya a bin compronde

cu aki ta trata di un problmea cu a surgi entre 2 persona unda un a maltrata e otro unda un a resulta herida mientras e agresor tambe tabata tey y polis a detene.



ANUNCIO/BLBA/018/25

Di acuerdo cu artículo 3 di “Arbeidsbesluit III” Mediator di Gobierno na Aruba ta anuncia lo siguiente:

a. Siguiente referendum lo wordo teni bao empleadonan di:

Number di EMPRESA : “Botica Santa Cruz N.V. Departamento di Apothekerassistenten”

Fecha di referendum : Diaranson, 26 di februari 2025

Duracion di referendum : 12:00 pm – 14:00 pm

Luga referendum : Bureau Landsbemiddelaar Dr. Henriquezstraat # 19

b. Na dicho referendum lo participa e sindicatonan: **Federacion di Trahadornan di Aruba (FTA).**

c. Empleadonan cu tin derecho di voto cual ta aparece ariba e lista cu ta bai pa e partidonan dia 21 di februari 2025.

Aruba, 21 di februari 2025

Mediator di Gobierno
Anselmo Pontilius

Prome Minister Evelyn Wever-Croes:

Carta di CAft na Parlamento di Aruba pa trata Presupuesto 2025 a yega Hulanda

CONSEHO DI MINISTER DI REINO A PONE DEADLINE PA TRATA PRESUPUESTO 2025

Diabierna 21 di februari, durante e Conferencia di Prensa di Gobierno di Aruba, Prome Minister Evelyn Wever-Croes a informa riba dos decision importante cu a wordo tuma durante Consejo di Minister di Reino. Ta trata di e revocacion di ley di RAft y e deadline cu Rijksministerraad a pone pa Aruba trata Presupuesto 2025.

Presupuesto 2025 ta na Parlamento Ley di Aruba ta stipula cu 15 di December di e aña prome, e presupuesto di e aña siguiente mester ta estableci. Si esaki no ta e caso, por lo menos mester tin un indicacion riba un otro fecha. Den e caso di Presupuesto 2025, esaki ta na Parlamento caba, hunto cu tur documentacion necesario, incluyendo un nota di cambio, en espera pa Parlamento fiha un fecha pa e wordo trata.

CAft a manda carta pa Rijksministerraad

Manera ta conoci, CAft (College Aruba financieel toezicht) a manda un carta di aviso pa Parlamento y Gobierno pa pidi atencion pa trata Presupuesto 2025 mas pronto posibel. Como CAft no a haya contesta di parti di Parlamento, nan a escala esaki na

Rijksministerraad (Conseho di Minister di Reino) y awe e carta di CAft tawata riba agenda pa wordo trata. Aki Rijksministerraad a duna instruccion na Aruba pa percura pa trata Presupuesto 2025 prome cu 31 di maart.

Gabinete Wever-Croes 2 a cumpli cu su responsabilidad

Minister Plenipotenciario señor Ady Thijsen na su turno a splica Rijksministerraad cu Gobierno di Aruba a haci tur di su parti y a entrega e presupuesto, a manda tur informacion na Parlamento y a contesta tur pregunta y lo sigui haci tur esfuerso pa e presupuesto wordo trata. Aki Rijksministerraad a indica cu nan lo manda un carta cu cual Gobierno di Aruba lo bolbe urgi Parlamento pa trata e presupuesto.

Presupuesto 2025 no ta stroba e Gobierno nobo

Prome Minister ta indica cu Presupuesto 2025, no ta un presupuesto cu lo stroba e Gobierno nobo. Pasobra den e maneho financiero a tene cuenta caba cu lo ta un aña pa un gobierno nobo bay fiha, debi na eleccion na

december. E presupuesto tin lo basico cu e gobierno mester pa sigui funciona y sigui duna e servicio basico y si e presupuesto no pasa, ta pone full e operacion di Gobierno den peliger. Pa awor lo por uza solamente un parti di e presupuesto, pero e ta limita na 1/4 di e presupuesto di 2024. Unabes cu bin un gobierno nobo na maart, nan por cuminsa traha riba nan “Nota di Cambio” y bin cu e presupuesto supletorio. Haciendo esey lo no tin problema cu Hulanda, cu Rijksministerraad, ni un escalacion cu por yega hasta atrobe na un KB, un Curatela Financiero. Den e caso aki, lo no ta un KB pa Gobierno di Gabinete Wever-Croes 2, cu a cumpli cu entrega e presupuesto, sino pa e gobierno nobo.

Prome Minister:

“Di akinan un apelacion na e partidonan den formacion, partido AVP y FUTURO, pa atende cu e situacion aki na un manera serio y debido pa Aruba no hay’e un biaha mas den e problema di escalacion cu Rijksministerraad. Algo cu mi a siña den 7 aña den relacion den Reino ta cu confiansa ta e cos di mas importante. Haci loke bo ta bisa y bisa loke bo ta haci. Si bo drenta



gobierno den un situacion di desconfiansa pasobra bo tawata terco y no kier a pasa e presupuesto, bo ta cuminsa den desbentaha y lo tarda bo tempo pa haya e bentaha. Ami a pasa aden na 2017, ora mi a drenta Gobierno cu un desbentaha grandi y apesar cu tawata un otro gobierno, otro asignatura, otro persona y hasta otro genero, pa Hulanda e tawata e Gobierno di Aruba, e Gobierno di Mike Eman cu a redobla e debe y bay den welga di hamber. Esey Hulanda tawata tira na mi cara

constantemente.

Awor Gabinete Wever-Croes a crea un base di confiansa y por a wak esaki den un carta cu Secretario di Estado a manda pa Parlamento Hulandes den cua e ta indica di tin tur confiansa cu Aruba lo logra su metanan financiero. E Gobierno nobo lo cuminsa cu un base di confiansa cu ami a traha pa nan, cu ami no tawatin ora mi a cuminsa, no bent’e afo zomaar, paso ta e pueblo di Aruba lo bay paga pa esaki despues”.

ACCIDENTE CU HENDE HERIDA PA FALTA DI PREFERENCIA NA E ROTONDE CUMANA


Diabierna mainta a drenta informe di un accidente cu hende herida na rotonde Cumana, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente pa falta di preferencia ora un auto a subi e rotonde mientras un otro tabata riba dje y nan a dal den otro. Debi na e impacto un persona a resulta herida. Na



yegada di e ambulans nan a atende e victima.

CHAUFFEUR DI UN MERCEDES BENZ A PERDE CONTROL DAL S.U.V. Y A SIGUI BAY DAL VANGRAIL

Diadomingo madruga a drenta informe di un accidente na Balashi, mesora a dirigi un patruya na e sitio. Na yegada di e patruya a bin compronde cu un Nissan March pasando auto su spiel a dal contra e spiel di e otro auto. Afortunadamente ningun hende a resulta



POLIS A TOPA Y A DETENE CHAUFFEUR BURACHI CU A CABA DI ACCIDENTA



Diasabra madruga durante patruya polis a bin topa cu un accidente cu a caba di sosode na caya Ritmo, mesora nan a baha atende cu e chauffeur kende tabata bao influencia di alcohol y a detene. E chauffeur aki tabata core malo y a bay dal riba un cura di cas.

POLIS A DETENE CHAUFFEUR CU A BAY MUCHO NA MAN ROBES Y A DAL AUTO CONTRARIO NA KAS ARIBA




Diadomingo madruga a drenta informe di un accidente na Kas Ariba, mesora a dirigi un patruya na e sitio. Na yegada di e patruya a bin compronde cu un chauffeur a bay mucho na man robes y a bay dal riba e auto contrario. Polis a detene e chauffeur.

ACCIDENTE SEMI-FRONTAL CU HENDENAN HERIDA DILANTI SHABA PASTRY



Diadomingo madrugada a drenta informe di un accidente basta serio na Shaba, mesora a dirigi tanto polis, ambulans y tambe cuerpo di rescate di bombero. Na yegada di e patruya a bin compronde cu aki ta trata di un accidente unda cu un vehiculo a bay banda robes di caminda y e 2 autonan a dal semi-frontal cu basta daño. Na yegada di e ambulans nan a atende 3 hende herida y a bay cu nan pa hospital



MUCHA DI 12 AÑA A CAY CU BICICLETA DILANTI DI COSTA LINDA

Diasabra mainta a drenta informe di un accidente cu hende herida dilanti di Costa Linda, mesora a dirigi un ambulans na e sitio.

Na yegada di e ambulans nan a compronde cu un mucha coriendo bicicleta practicando ciclismo pa un of otro motibo a cay y resulta herida.

E personal di e ambulans a atende e mucha y a transporte pa hospital.



UN BISTA DI FOR DI HALTO DI E PARADA ESCOLAR 2025

E muchanan si a sa di disfruta di e Carnaval Escolar maske algun a
cansa di e solo pero otronan a balia y gosa di esaki!



DEDICANDO ATENCION NA ASAMBEHO: ARUBA TOURISM AUTHORITY (A.T.A.) A HONRA MASSIVE BRASS BAND DURANTE LIGHTING PARADE

“Como muestra di aprecio y dedicacion pa mantene nos cultura bibo tanto local como internacional’



Aruba Tourism Authority (A.T.A.) a honra Massive Brass Band pa nan contribucion na e tradicion musical di Aruba, cu ta Asambeho. Funda na 2015, y bou guia di Roderich Lopez, Massive Brass Band ta ser considera como un gran parti di e historia musical di Asambeho na Aruba, cu presencia constante den festivalnan local, paradanan den Carnaval di Aruba, Island Festival na San Nicolas y mas. Ta di menciona cu e aña aki ta bira e prome biaha cu Massive Brass

Band tin e honor di habri paradanan di carnaval.

A.T.A. ta reconoce creadornan di e musica moderno y cu ritmo autentico di Asambeho funda na 1960 pa Arnold Beide, Alfonso ‘Bulto’ Gibbs, y Samuel Hodge. Alabes, A.T.A. ta duna realse na tur cu a sigui cu e tradicion, esta Excelsior Brass Band, YMCA Brassband, Brass Explosion, San Fernando Brothers, Savaneta Brass, The Blue Diamond Brass, Daimari Brass, Good Guys, Academy Brass Intl,

Gramling Brass, Jamming Brass, Shiribana Brass Band, Hotel All Stars, Rufo All Stars, Royal Stars, Hell’s Angels, Born Losers, The Out Laws, Kids of Fame, DuziDuzi Brass, Little Devil, Dynamic Brass, Energy Brass, Savage Brass, MoonDogs, D2U-365, and Quality Brassband, Aruba Angels Brass Band, Bad Boys Brass Band, y mas.

Aunke cu Asambeho tabata considera como un musica dominante, cu tempo a encontra cu diferente desafio debi na introduccion di musica amplifica, electronico, y cambio di tendencia. Cual ta haci cu mas ainda a bira un motibo adicional pa preserva y rebiba esaki.

Cu determinacion y exposicion riba panorama local, Massive Brand Band a percura pa continua cu e Asambeho riba plataforma internacional cu presentacion na




diferente eventonan grandi manera Ahoy Rotterdam Arena, durante marathon di Nijmegen, y Zomer Carnaval na Rotterdam. Mas ainda cu presentacion na Magic Kingdom na Orlando Florida, y mas recien na Gasparilla Parade na Tampa Florida.

Cual ta haci cu awe nan ta carga e nomber di Massive Brass Band International.

A.T.A. ta felicita y gradici Massive Brass Band pa nan esfuerso pa preserva y engrandece e cultura autentico di Aruba.

AUTO A DAL TRAS DI OTRO NA E ROTONDE SASAKI



Diaranson mainta a drenta informe di un accidente na e rotonde Sasaki, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un tercer auto a sali dilanti un otro y esun prome a brake y e di dos auto a dal esun prome.

Afortunadamente ningun hende a resulta herida.

Deadline final pa entrega di CV ta dia 28 di februari 2025

COA ta busca un persona den ramo di administracion financiero

E trabounan rond di e movimiento Olimpico ta compleho y cu hopi reto, pero alabes un experiencia unico unda bo ta conecta cu e mundo di deporte na e nivel mas halto. Comité Olimpico Arubano ta den buscada di un persona dinamico y cu gana di siña di tur cos cu tin di haber cu e parti financiero na nivel local y internacional na nivel di Comité Olimpico.

Pa e rol aki, ta busca un persona “full time” cu tin un base di educacion di MBO of mas halto, den e ramo di administracion y/of finanzas. Bon capacidad di comunicacion ta esencial, cu dominio di nos idioma papiamento, ingles y spaño.

Ta pidi pa tin conocimiento di traha cu Microsoft 365 y su aplicacionnan, manera Microsoft Excel y Word. Banda di esaki, ta di gran importancia e deseo y disponibilidad di kier siña cosnan nobo.

Interesa? Manda nos bo CV, carta di motivacion na nos email info@olympicaruba.com. Igual si tin mas pregunta y/of ta desea mas informacion, por acudi por medio di e mesun email. #TEAMARU

COMITE OLIMPICO ARUBANO

TA BUSCA ADMINISTRADOR FINANCIERO



FORMA PARTI DI NOS EKIPO DINAMICO TECNICO-FINANCIERO-ADMINISTRATIVO

- FUERTE DEN ADMINISTRACION RIBA NIVEL MANUAL Y DIGITAL
- TIN CONOCIMIENTO FINANCIERO
- AFINIDAD CU DEPORTE UN PLUS
- POR TRAHA ORARIO FLEXIBEL
- POR MANEHA MICROSOFT EXCEL Y OFFICE 365
- POR TRAHA CU PROGRAMANAN DI ADMINISTRACION FINANCIERO (QUICKBOOKS)
- POR TRAHA BON DEN EKIPO
- TA DOMINA PAPIAMENTO, INGLES Y SPAÑO
- BON MOTIVA PA SIÑA COSNAN NOBO
- NIVEL DI EDUCACION DI MBO-4 OF MAS HALTO
- RAMO DI ESTUDIO ADMINSTRATIVO OF FINANCIERO
- DISPONIBILIDAD PA TRAHA FULL TIME (40HR)

PA MAS INFO & APLICA:

MANDA BO CV NA:

info@olympicaruba.com



Danki na Jim Bello pa su 32 di aña di servicio

Awo disfrutando di un dushi pensioen

Departamento di Agricultura, Cría y Pesca Santa Rosa awe tabata tin e placer di bisa danki na sr. Emeterio Antonio Bello pa su 32 aña di servicio y pa su pensioen bon mereci.

“Jim” ta su number di cariño aki na Santa Rosa. Tur hende conoce tambe bou di e number ey.

Un persona semper cordial y cu un sonrisa semper na cara. Un persona cu gusta su trabou di tur día cual e ta eherce cu placer. Manehando nos trucknan di awa y ta hasi entrega di awa di dam na tur nos productornan local.

Un persona cu no conoce e palabra “no” den su vocabulario. Kico cubo puntre of pidi’e semper cla pa yuda y realisa e trabou. “Jim” a cuminsa ta operador di Bulldozer.

Tambe manehado di truck di awa pa entrega di awa di dam pa nos clientenan productor. Hasi tereno limpi pa planta cu tracto y cualkier otro trabou cu ta rekeri ekiponan pisa, semper “Jim” ta para cla pa yuda.

S r . “ J i m ” Bello su carera aki na Departamento di Agricultura, Cría y Pesca, Santa Rosa a duna inicio aña 1992 dia 2 di october. Su función e tempo ey tabata “onderopzichter 3de klasse” como chauffeur di ekiponan pisa. Funcionnan cu ela eherce ta den trancurso di añanan cual a haya e siguiente promocionnan manera 1 di november 1995 “Onderopzichter 2de Klasse”, sigui pa algún aña despues día 1 di november 2004 “Onderopzichter 1ste



Klasse y dia 1 di november 2017 “Adjunct-Commissies”

Despues di 32 aña di servicion aki na Santa Rosa cual su fecha oficial di pensión tabata 13 di december 2024 ultimo, awe nos a invita sr. Emeterio Antonio Bello miho conocí como “Jim” pa un brindis di despedida.

Tur colega di Santa Rosa a para ward’e na entrada di Santa Rosa caminda pa ultimo biaha a maneha e Dump Truck di Santa Rosa.

Bou di pito di truck y aplauso nos a ricibi’e awe. Por admira tambe e potret caminda “Jim” para na e truck D-283 cual truck di awa cu semper “Jim” tabata maneha.

Sra. Nathalie Maduro director di Departamento di Agricultura, Cría y Pesca, Santa Rosa a hiba un discurso chikito contando su experiencia placentero

cu “Jim” y a efectua un bunita regalo na “Jim” di parti di tur colega. Nos ta gradici tur colega cu a coopera pa e bunita gesto na “Jim”

De n representación di minister demisionario, sr. Ursell Arends tabata presente sra. Jacky Feliciano kende a otorga un bunita plakaat di reconocimiento pa su 32 aña di servicio y un pensioen bon mereci.

Na final di tur discurso y recuerdonan inolvidabel cu “Jim” na momento di su trabou a sigui cu un brindis na su despedida di su 32 aña di servicio y pensioen cu pasaboca y bolo. Tambe ela haya un baki di fruta y berdura fresco cosecha aki mes na Santa Rosa. Awor “Jim” por bai disfruta di su pensioen bon mereci pero corda pasa hasi nos un bishita leu leu aki na Santa Rosa.

“Jim disfruta dibo pensioen”





HYUNDAI ACCENT SALIENDO FOR DI CURA A DAL HYUNDAI I10 MAND'E DAL CURA DI UN CAS



Diahuebs mainta a drenta un patruya na e sitio. trata di un accidente Hyundai i10 cu tabata bayendo pabao y a dal informe di un accidente unda un Hyundai Accent esaki bah'e for di caminda riba caminda di Tanki Leendert, mesora a dirigi bin compronde cu aki ta a duna preferencia na e di e cas. Afortunadamente ningun hende a resulta herida.

Kiebro y ladronicia for di den auto ta sigui den Wilhelminastraat



Diahuebs mainta a drenta un patruya na e sitio. Na yegada di e patruya a bin compronde cu aki ta trata di un caso di kiebro y ladronicia for di den 2 auto cu tabata stacion net dilanti El Gaucho. Polis a tuma e keho y a pasa esaki pa e departamento di auto diefstallen di cuerpo policial

LÍDER DI PUEBLO PROGRESIVO UNI I BONAIRE HUMAN RIGHTS

Organization, James Finies, ta trese situashon kritiko di Boneiru na atenshon di e Sekretario-General di Nashonan Uni



James Finies, líder di Pueblo Progresivo Uni i di Bonaire Human Rights Organization, tabatin e oportunidat di trese e kaso di Boneiru na atenshon di e Sekretario-General di Nashonan Uni, António Guterres, na e 48 Kumbre di CARICOM, ku ta tuma lugá na Barbados. E kumbre di tres dia , di 19 pa 21 di Februari ta reuni Prome Ministernan di e región Karibense, Presidente di e Unión Europeo: Ursula von der Leyen,

Sekretario-General di Commonwealth: Patricia Scotland, Sekretario General di Nashonan Uni: António Guterres i otro dignitarionan internashonal pa diskuti temanan importante di e region di Karibe. E fokus prinsipal di Finies pa partisipá na e evento aki ta pa trese atenshon internashonal riba e situashon di Bonaire despues di 10-10-10 i boga pa derechonan i aspirashonnan di e pueblo Boneriano. Ademá

presentá e desafionan kontinuo di Bonaire ku ta empeorando pa e lokalnan na e plataforma di nivel mas haltu den Karibe, ku ta e Kumbre di Hefenan di Estado di CARICOM. Esaki ta eksigí kompromiso firme, trabou duru i kurashi, pero Finies ta keda desidido den su mision pa logra resultado i solushon signifkante pa ku e situashon di Boneiru. "Esaki ta un oportunidat krusial pa nos bos yega na e nivel global i eksigí e rekonesementu i hustisia ku nos pueblo meresé," Finies a bisa.

"Nos ta determina pa sigui lucha, sin importa e desafionan." E diskushonnan na CARICOM lo sirbi komo un plataforma esensial pa e kausa di Bonaire. Kolaborashon internashonal ta fundamental pa atende ku e problema urgente di derecho humano i gobernashon di Boneiru ku despues e aneksashon ilegal di 10-10-10 ta kai lewbao di minino standard



di lei Internashonal I Nashonan Uni

2 MUHE DETENI PA BRINGAMENTO BANDA DI WILHELMINASTRAAT

Casi na final di e Lighting Parade 2 muhe a haya gana di resolve nan diferencianan cu golpi banda di Wilhelminastrat, mesora a dirigi polisnan pa e sitio y a detene ambos muhe pa pelea riba caminda publico.



POLIS MESTER A INTERVENI DEN PELEA DI AMIGO



Gradicimento & Invitacion

Cu inmenso amor y gratitud den nos curason, famia Croes ta gradici tur esnan cu di un manera of otro a duna nos sosten, consuelo y forsa prome y durante entierro di nos defunto stima:



Elisabeth C. Croes-Croes

Mihor conoci como: El, Elsie, Juffrouw Elsie, Juffrouw Croes

Un danki na tur cu a compaña nos y a aporta na un bunita despedida di nos defunto, specialmente na famia completo y e ekipo di “ICU” di HOH. Pa tur yamada, areglo di flor, donacion haci na e instancianan concerni y tur mensahe via rednan social.

Un danki di curason na Pastoor Jairo pa su bunita palabranan durante Respons, na tur cu a contribui na misa y na Aurora Funeral Home pa e bon servicio y atencion.

Lo tin tres Santo Sacrificio di misa pa descanso di alma di nos defunto stima:
















- Diamars 25 di februari 2025 pa 7:00 pm na Misa Inmaculada Concepcion, Santa Cruz
- Diahuebs 27 di februari 2025 pa 7:00 pm na Misa Inmaculada Concepcion, Santa Cruz

Boso presencia ta altamente aprecia.

Laurens Costerstraat - Diasabra atardi polis a bay poco pura un adres den Laurens Costerstraat, unda cu un persona a wordo maltrata.

Polis na su yegada ta compronde, cu lo tawata un discusion entre dos homber probablemente amigo di otro. Parse nan lo tawata trahando algo y problema a start.

Un homber a haya golpi na cara y cabes y polis a pidi pa un ambulance pa controla esaki, mientras e agresor a wordo deteni y transporta pa warda di polis.

<div><div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - February 23, 2025</div></div>	
<div><div><div>Sorteo # 4546</div><div>1320</div><div>3371</div><div>5419</div><div>X5</div><div><div>Sorteo # 4546</div><div>1914</div><div>X2</div><div><div>Sorteo # 2602</div><div>7385</div><div><div>Sorteo # 4546</div><div>3076</div><div>Cancer</div><div><div>Sorteo # 1420</div><div>829</div><div>X2</div></div></div></div></div></div></div>	<div><div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div><div><div>JokerLetter</div><div>Proximo Jackpot</div><div>140.000,-</div></div></div> <div><div><div>Sorteo # 6752</div><div>0 x Jackpot</div><div>4 x Match 4</div><div>139 x Afl 8,00</div></div><div><div>Proximo Jackpot</div><div>54.000,-</div></div></div>
<div><div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl 50,00</div><div>0 x Afl.15,00</div></div><div><div>Mega Ball</div><div>Proximo Jackpot</div><div>2.450.000,-</div></div></div> <div><div><div>Afl. 3.750.000,-</div></div></div>	<div><div><div>Sorteo #</div></div><div></div></div>



Sorteo # 6752

0 x Jackpot

4 x Match 4

139 x Afl. 8,00

02-04-05-08-27

Proximo Jackpot

54.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

2.450.000,-



Afl. 3.750.000,-



Sorteo #



HOPI DAÑO MATERIAL ORA UN SUZUKI BALENO A BAY SUBI CAMINDA DILANTI SUPERMERCADO



Diasabra anochi a drenta informe di un accidente dilanti Cadushi Supermarket na Tanki Leendert, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un Suzuki Baleno blanco a bay subi caminda pero no a tene na cuenta cu e otro banda y a bay dal basta duro riba e otro auto, Afortunadamente ningun hende a resulta herida pero si e



auto a ricibi basta daño material.

CHAUFFEUR NO A PONE ATENCION NA TRAFICO DURANTE CU TA "STEL OP" E PARADA ESCOLAR Y A BAY DAL TRAS DI AUTO.



Diabierna mainta a drenta informe di un accidente dilanti di ex-edificio di Unicon na Avenida Milio Croes, mesora a dirigi un patruya na e sitio. Na yegada di e patruya a bin compronde cu e chauffeur di un Toyota Vitz no a regula su velocidad ni a mantene distancia durante cu ta "stel op" e parada escolar y a bay dal tras di e Honda CRV su dilanti. Afortunadamente ningun hende a resulta herida.

Clasificados


SOLODIPUEBLO@GMAIL.COM
CEL. 585 9500


SUDOKU

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		7	1				5	
				7	4	8		
	2		3	8			7	6
				4	8		1	9
		8				5		
6	9		5	3				
8	7			1	9		3	
		3	8	5				
	1				3	9		

REFLECCION

ANTICONCEPTIVONAN TA PIKANAN
CONDENABEL PA DIOS TATA

Pakiko esnan den organisacion ta lansa campanja pa anticonceptivonan, con pa usa condom etc.? Esey ta un berguensa di mira, cu nan ta promove algo cu no ta un educacion Cristian, cu no ta bini di Dios. Ta ki sorto di ehempel y educacion esey ta? Ta pa promove mas libertinahe sexual? Educacion sexual mester ta basa segun Dios Su boluntad y segun di un bida Cristian. Den temponan di antes, hendenan Cristian no conoce nada tocante anticonceptivo. Bijbel ta considera eyiunan manera don di Dios. (Genesis 4: 1; 33: 5). Yiunan ta herencia

di Dios (Salmo 127: 3-5). Yuinan ta bendicion di Dios (Lucas 1: 42). Dios ta bendiciona e muhernan esteril cu yiunan (Salmo 113: 9; Genesis 21: 1-3; 25: 21-22). Dios ta forma e yiunan den seno materno di e mama (Salmo 139: 13-16). Dios conoce e yiunan prome cu nan nace (Jeremias 1: 5; Galatanan 1: 15). Usamento di anticonceptivonan, ta contra di Dios Tata Su procreacion humano. No ta pa hende dicidi esey y ni pa husga tocante di bida humano, pasobra ta Dios Tata ta E Autor di bida y no hende. Lesa den Bijbel Genesis 38: 6-10, na unda Dios Tata a

condena Onan na morto, pasobra Onan tabata benta su spermanan afo pa no laga su senjora sali na estado. Asina tambe Dios ta condena den fierno tur esnan cu ta usa anticonceptivonan. Tambe na e hombernan cu ta haci masturbacion y ta benta nan sperma afo, hombernan cu ta usa condom pa benta nan sperma afo. Muhernan cu ta usa pildonan, cu ta opera, cu ta konopa, cu ta usa spiral pa no haya yiu etc. Tur esakinan ta pikanan condenabel pa Dios Tata. Na anja 1968 Papa Juan Pablo VI, den su relato Ecclesiastico, “The Human Life,

Iglesia Catolico ta condena tur sorto di anticonceptivonan cu ta strobe e ser humano di ser forma den existencia”. Na anja 1930, Martin Luther a bisa: “Hende homber cu benta nan spermanan afo y no ta laga nan senjora concebi, e ta comete un crimen horibel, pasobra ta Dios Tata Su procreacion humano mester sigi y ta pesey e acto aki ta obra di satanas”. Na anja 1984, 23 Juli Papa Juan Pablo II na su descurso a firma: “Cu Iglesia Catolico ta para ariba ensejansa, cu ta prohibi tur sorto di anticonceptivonan cu ta strobe Dios su procreacion humano”. Dios Tata a traha hende muher pa planea famia den matrimonio, pesey hende muhernan tin nan ciclo y nan periode cu ta e dianan di fertilidad, e dianan di infertilidad y

dianan di menstruacion. Hende muher ta planea nan famia den e ciclo y den e periode y no den e anticonceptivonan cu ta bini di satanas. E diabel kier pa hende sera porta pa Dios Su procreacion, e diabel kier pa hende homber benta nan sperma afo, e diabel kier pa por tin mas libertinahe sexual di fornicacion. E diabel kier pa bo usa su anticonceptivonan pa bo ser condena den fierno mescos cu Onan cu a benta su sperma afo y a stroba e ser humano di ser forma den existencia. Pesey tur esnan cu ta strobe Dios Su Autor di bida, nan ta ser condena pa fierno, pasobra ningun hende no por sera porta pa Dios Tata. Pesey, tur sorto di anticonceptivonan ta bini di satanas. Un mensahero di Dios.

A YAMA PIDI AMBULANS
PA UN PERSONA CU A
ACCIDENTA CU BROMMER
PERO NAN MES A BAY



Diadomingo madruga a dreña informe di cu tin un accidente cu hende herida banda di Belastingkantoor na Camacuri, mesora a dirigi tanto polis como ambulans na

e sitio. Na yegada di e patruya a bin haya un motociclista benta abao herida pero na un dado momento esaki a bandona e sitio. y a cancela e ambulans.

Oracion di dia

Un feliz dia yena di hopi fe y speransa
den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7) Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.